



寧山集一

共十册

^ 16
2382
1



和
2382
卷 1-10

臺山集序

續修書齋

族祖臺山先生屏居講道於漢水之上吾先子正文公實受業焉先生最用力於朱子書著有朱子大全劄聞標補二十四卷吾先子印布而傳于世焉及炳學爲相採儒林之言以先生羽翼斯文之功奏請贈諡太常考諡法道德博聞避遠不義爲文清公噫不待百年而論定矣今其嗣子羅州君善根氏抱先生詩文集博求諸名宿訂選爲二十卷而印之將見先生遺文盡傳于世用以嘉惠後學不亦盛矣哉蓋道學文章之合而爲一世稱我家之的有淵源惟我

清陰文正公倡明而垂之農巖文簡公易簡而成之
三淵文康公賁潤之漢湖文敬公繩述之彬彬乎該
體用而具華實使學者始知道與文之不相離而左
海之內咸宗仰之若其佩遺訓而蹈洪規復見諸祖
之精氣心法宛宛在楮墨之間者惟先生是已先生
英年瓌才赫然動人策名於

健

陵之世時則師道在上屢荷 恩賜嘗引前而喻之
曰熟讀經傳朱子書出而從宦也頗好朱書否朱書
最宜多讀先生退而刻勵專意斯道終其身矻矻靡
懈以爲 先王之命不敢不承也諸祖之緒不敢不

追也剖析經義既精且詳筆力副之出言有章根以
六籍核以兩漢壹是醇如也放於江湖三十餘年雖
不得謀體潤色用升弘猷然得其閒而卒就不朽之
大業殆天所以贊先生乎以其戢影固窮往往有駿
亮悲壯之音而終不損於大雅先生之於文能事畢
矣炳學顓蒙烏足以知先生萬一而惟是文道合一
之旨粗有家庭傳聞故不揆僭猥謹敘之如右云
聖上卽祚十六年己卯七月上澣族孫大匡輔國崇祿
大夫領敦寧府事炳學謹序

聖

啓辭

卷五

書

卷六

書

卷七

序

記

卷八

題跋

卷九

雜著

卷十

墓誌銘

卷十一

墓誌銘

墓碣銘

墓表

碑

卷十二

行狀

祭文

卷十三

家史

卷十四

家史

卷十五

闕餘散筆

卷十六

闕餘散筆

卷十七

闕餘散筆

卷十八

闕餘散筆

卷十九

闕餘散筆

卷二十

闕餘散筆

驟雨走筆

夏夜 戊午

冬夜詠懷

奉和 聖製書手圈諸書韻 己未

初入史館次黃江漢韻 辛酉

次吳士默 淵常 韻兼示呂友濂 東植

與諸寮齋宿玉堂拈韻共賦 壬戌

避暑集北營分韻得劔字

夜讌隣舍送尹景道 濟弘 出宰洪原拈農巖集

韻

衝泥赴史局道上賦所見

次李斗臣 台升 韻

箕城襍詠 癸亥

統軍亭

大殿端午帖

大殿延祥詩 甲子

除龍岡辭 陛日與諸守令同 賜對于熙政

堂勉諭諄復次詢道里遠近行期遲速 恩

顧優渥有踰諸人承聆感惶退以韻語私識

兼敘微臣離違耿結之忱

大殿春帖子 乙丑

重過滿月臺

善竹橋

監糶出西倉道左小憩

貞純王后因山日志哀

景道書示近作次韻却寄

咸從道中

如成川趨叔父晬辰也依昨年春州壽席韻賦

上一律

縣中曉行

縣齋書懷

戲題李中軍 楹所藏畫帖

將赴 孝安殿練班歸淵從兄 近淳氏時任成

川約會平壤並轡而行時丙寅孟春之三日

也 丙寅

發龍泉向慈秀約道上各有所賦抵站交和及
稅鞍索之兩皆無有盖從兄睡轎中余誦易
自乾至家人也相視啞然而笑

玉溜泉

平山以南地氣頓異原野間春意藹然

太白山城高麗名臣壯節申公食采于此城內
有祠奉鐵像頗著靈應云

次從兄韻 并序

附原韻

猪灘李青興重老死事處也

松都

花石亭

牛溪先生墓

坡州村舍

寄士默 并小序

觀外姑葬于麻田道中感舊書寄李穉性 綱在

金幼成 在成○并小引

士默之官永興書示海上二絕用韻却寄 丁卯

奉酬松戶李丈 箕采 寄示韻

寒食日獨坐志感

次善淵再從兄 可淳 見寄韻

附原韻

疊前韻

善淵兄在 獻陵直中錄示月夜見思之作依

韻奉酬

疊前韻

漫吟

奉酬善淵兄述懷寄示之作

用山高月小水落石出分韻

又和偶語八絕

舟往春艸亭一宿歸淵時自石郊搬移

戊辰

詠兒戲

悼虎錫

大雨江漲賦得四絕

霽後又得四絕

次春草亭內八詠韻

又次外八詠韻

士默蘆原莊舍會李性老

存秀

一宿敘舊拈韻

共賦

秋日病起試筆

送黃景山

巖

歸平壤

白雲寺

己巳

藥師殿村居

三釜淵敬次清陰集韻

敬次三淵集新構韻

禾積淵

與少輩戲賦蜜蜂禁花字爲令

六月二十七日夜夢觀 先王翼日卽諱辰也

臺山集卷一 目錄

臺山集卷一

安東金邁淳德寔

賦

清暑賦

太歲維丙日躔井絡龍火宵正炫芒耀角燦帝憑威
炎官稔虐何植不焦何潛不涸石陵子方劬心往哲
寓形緗素兀然端居密爾自豫罹茲愆焚靡所救藥
懣溷怫悒神昏氣濁不酒而醒不艾而灼沐何膏而
淋淫飲何湯而灼灤希玉井而未霑聞冰桃而難嚼
於是駢籤累軸束之高閣或援枕而瞢騰或解衣而



槃礴雖垂綏之罰賦鴟之刺有不暇避忌也乃曰維
天地之發育用中和而罔忒何茲氣之孔厲職陽德
之亢極吾將竄祝融於玄朔鑱女魃於寒門增畢方
於赤霄斬肥遺於朱垠超洶涇而獨立攬鮮顛而自
靖聊優游而卒歲孰余樂之可競於是語卒據梧而
瞑夢有神人朱衣縹幘修幹而銳味仰而哈僂余而
就曰子讀詩書號爲儒者何見之汚而言之野我療
子病匪炳匪砭我瘳子喑匪扇匪蔭援方挈策一痕
一摑無荒于聽以迷子復函極之初二氣混融或降
而積或陞而穹是行四時一元所通循環無端何始

何終普博無私何嗇何豐不翕不散物何由生不凜
不熙歲何由成爾其韶景謝寒土脉痺發句者畢出
萌者畢達雖滋殖之遍敷而長養之未徹於是凱風
發軔於漲海耀靈弭節於昆吾候銅儀於濮鉛準玉
表於明都舒恢矣之廣度履亨通之嘉會函夏普其
淳耀崇丘極其高大族雲油滄而肆兀旬澤優渥而
滂沛黍稷幪繇而挺拔卉木葳蕤而翳蒼薰腴爨煨
萬族嫗覆冲融盪洩百昌潰茂用能紹往烈於青陽
啓來功於白商幹氣息於吹响統緘軸於用藏是誠
天地之所和陰陽之所交膏澤之所洋溢品類之所

臺山集
蕃饒是以時燠表休於殷範徂暑紀候於周詩記著
高明之象書載希革之時姬漢基隆於迭運黎羲績
懋於分司諒嘉頌之攸萃孰盛德之敢疵若夫理無
全功器有偏宜紛糅錯綜孰能一之是以堪輿殊覆
載之能木火同恩害之機川岳興寶而險則不輟醜
醜合驩而爭是用滋雨難適於耕刈風或別於雄雌
伊代謝之互運固憾忻之相隨故靜女春傷烈士秋
悲涸陰沍寒下民所咨緊南訛之用事奚獨非一氣
之所爲苟蔽境而興詠亦何患乎無辭惟達人之弘
觀物無往而不可齊六合於粒粟混萬化於鑪冶矧

往復之常轍夫孰取而孰舍且夫志之所向氣必至
焉形之欲動神爲之先是以君子制行厥有常素晦
明風雨不改其度心存誠敬百邪退聽清明在躬昏
瞶自屏華允塞而格天遭迅烈而不亂姒胼胝而勤
民冒泥水而罔憚文居幽而演彖孔在圍而操縵顏
樂滋融於瓢空曾響彌厲於纓絕季路正冠於搶攘
程氏危坐於蕩濶卒能上纘天極下啓人文播鴻垂
朗參伍典墳至若藻人翰客用志不他或漂麥而冥
探或震柱而高哦或忘劬於暎雪或耐苦於垢蘚雖
難議於大方亦一節之可選諒內秉之旣鞏詎外鑠

之能轉今子少不力學長益荒嬉衷無資於涵養表
歛功於歛持乃於流行之天道瞠乎若吳牛之宵喘
猶且自甘惰棄罔懲躁惰昧哲人之處順效細民之
詛怨是蓋踐丘壑之境則不能飯疏被緼堪其憂涉
緩冕之塗則不能綜棼剗錯耐其煩亦何往而不頽
慢廢弛何處而不眩瞽氛昏子何不資潤於六藝取
豁於羣言闢惺惺之宅濬活活之源濯乎日新之盤
翔乎風雩之門吾將見子氣爽神激形定體腴物莫
能撓境莫能拘如縣黎之肉投火而不燼吉光之羽
入水而不濡秉純清而中處援二儀而爲徒何必流

饒涎於畫省馳妄想於玄都哉石陵子聽未終如旭
透蔀如霆破聾蒼然而寤不覺九竅之生清風

思遠賦答洪直閣成伯

夔周

詩云無田甫田維莠騫騫無思遠人勞心忉忉夫
勞心忉忉則嘗思之矣思而不見矯之以無思思
之至也作思遠賦

步逍遙於江臯兮余有懷於遠者中紆軫而若結兮
經日月而靡化悼栢舟之不飛兮憇蒲柳之先零神
淫淫而欲驚兮載雲霓而遐征涉中冷之渙渙兮踐
鍾藪之氍毹歷九遠而掉臂兮徑吾道夫西南高軒

臺山集
噲而爽塏兮面紫閣之崇岑朱華燦而冒水兮白鶴
鳴於西廂施流黃之珍簞兮礪文斐而爲牀清揚婉
其一粲兮襲椒蘭之芬芳揮凍椀以析煩兮旨酒湛
而盈觴抽緗帙而揭奧兮爛枝葉之煒煌揚激楚之
雅操兮絲桐厲而高張方驪會之未央兮忽反顧此
濤瀧何逝來之儻莽兮悟淪飛之無常陟在原而遙
望兮復降觀乎中洲信雲淵之殊塗兮孰風影之可
求披榛荆之曖曖兮掩蓬藿之幽幽委盤飧而不御
兮遂輾轉而終夜胡冰炭之置胷兮直夫子之故也
聞至人之休風兮超四大而遐騰指太虛而爲室兮

謂離合之未曾彼編曲與鼓琴兮臨大化猶嘻嘻知
無奈而安之兮葆形神而自怡嗟帝懸之莫解兮紛
百慮之嬰腸塵冥冥而不休兮外無獲而中喪諒先
病而後瘳兮乃今得此醫王雲蘄知於後世兮孟有
訓於尙友苟心靈之靡隔兮又何必合榻而同牖庶
從此而無思兮願依風人之溫厚

附夢知賦

成伯

集百慮於端居兮夜幽覓而無人懷悵悵而不釋
兮發精誠於昀晨形神忽其不謀兮懶方羊以長
鶩乘冲氣之未判兮凌太虛以徑度臨大江之浩

蕩兮聽濤瀾之相擊匪時俗之迫隘兮子胡爲乎
離逖被明月之潔珮兮帶切玉之脩劔何謠詠之
嫉脩兮謂施光之不豔靖潛伏而不見兮忽翔徊
而漸迫想見其人皎而靚兮尙不記其肥瘠翩乍
遠而乍近兮若將去而復淹凭回飈而永喟兮思
鞠余以良箴循前脩而潔媵兮將與世乎寡儔紛
馳騫而及時兮又顛蹶而疇尤超榮觀而燕處兮
怵鬼瞰於高明苟余情之靡媿兮坦坦乎吾將行
方歷歷而欲記兮忽中斷而不繼願寄心於天上
兮風飄之而遠逝欲少留此江中兮波瀾汨而奔

下方晦明之未分兮尙然疑於真假倏形開而魄
動兮竟綿邈於天涯山礧礧其相軋兮雲又冥濛
而蔽之思夫人之益遠兮孰云相余之俛俛獨
托於空文兮雖歷歲而不可忘

譴彗賦

歲龍飛之元紀兮日月底于蒼角皞執矩而司令兮
肅溫氛之宵廓牛鬣鬣而正中兮偃素漢而橫絡仰
帝車之西指兮有彗芽之旁出謂蠓螋而未雨兮認
抱鬻而匪日跳赤丸之熒熒兮揚素旆之央央戟鬪
鯢之修鬣兮張燭龍之高睨挾太尊之奧柄兮勢浸

淫乎魁罡麾權璣而掠玉衡兮遂進薄於開陽歷搖
光而周流兮闖兩樞而高驤詹紫宮之竦峙兮寔太
一之攸居隄三五之藩衛兮官四七於方隅譬聖神
之首出兮總億醜於中都何妖祲之一干兮曾莫效
其折衝危黃屋之及矢兮奄赤縣之嬰鋒鉗卷舌而
莫告兮填附耳而不聰委玄戈而倒持兮華蓋折而
無杠擘文昌與尙書兮徒竊據而偷容挑四勢之黷
黯兮協北御而播兇連姦鄰於熒惑兮剪南斗而爲
封威弧弛其撥刺兮狼又眈眈而窺墉咨微軀之瑣
瑣兮伍喘息於壤蟲沐靈光之照臨兮備繫命於羣

蒙何遭遇之不辰兮際天步之維邛彝衷炯而不昧
兮蕩憂憤之懣懣思隻手而赴捍兮軼羽翰之騫翀
步中庭而彷徨兮標萬杵之春撞招甘石而訊疑兮
詔巫咸使旁諦羅鑽揲之紛若兮鞠徵應之所屆曰
氣數之推盪兮雖上穹其猶察雙輪跌而薄蝕兮五
緯錯而鬪陵惟更復之不日兮乃神宰之良能謂殞
悍之罔稽兮攬近轍而爲徵帝納麓而鮫介兮逮羽
旣而稱聖王錫姓而扈齒兮用甘勦而乃正三監比
而杞姬兮覲赤舄於九戩俄風雷之動威兮綿鼎祚
於過曆五貴熾而椽劉兮易黃儀於未央旋膾脯而

離殃兮啓炎錄於重光妖無往而不蹶兮德無往而不與彼正直之必伸兮譬流降而炎升顧一時之干紀兮又何異秋榮與春冰相下民而猶然兮矧天道之孔明皇巍巍而陟寶兮並玄黃而肇凝指窮元而卜齡兮擬赫曦之朝騰知鴻茂之未艾兮詎青擘之終乘儲鑠威於暫晦兮隙厚惡於將崩嚴鈞陳之翼翼兮闢閭闔之將將宣柱史而渙號兮肅宰弼之無良邀奚仲於天津兮起傳說於東荒揚格澤之伏耀兮播少微之幽芳修三階之坳圯兮整八座之披攘屏嬖女而勿御兮期老人於朱方登北落於壁壘兮

選羽林之洗洗磅河鼓而聲罪兮飾井鉞而昭剛纏妖要以貫索兮紛拉角而摧芒委頓頑而淑問兮訖鯨誅於危梁呵騰蛇與白虎兮畀餘鼯而充腸馳貴使之繹繹兮告赫怒之維揚原脅從而勿治兮流大化之滂洋劭農丈而卽耜兮勸織女使扶筐冲鼓潤而從好兮混庶麗而穰穰循湯盤之日濯兮撫周命之方昌穆一機之轉移兮允除布之宏綱基殷憂而啓聖兮孰謂彼之不祥諱斯近於佞諛兮億或流於壽張杳玄緯之旭卉兮匪淺讟之可量孔書異而訥占兮晏委德而止禳懿大雅之中正兮酌睿知於微

彰勉靖處而毋躁兮待克定而後詳聆至言而拜嘉
兮悟杞憂之癡狂哀誓御之日瘁兮願胥告而偕臧
緘赤心而莫寄兮路阻絕而修長懷貞亮而自需兮
澹偃息於幽房歛南陽之二表兮亂下泉之遺章耿
輾轉而申朝兮終菀結而不可忘

詩

九日與諸人登洗心臺

丙辰

四節遞游賞高秋稱第一今辰更清朗幽意恣超軼
登高豈避災探勝宜選吉好期亦不遠蒼松蔭礪室
後至恕我慢先着讓君疾西山氣澄爽霜落增嶮峩

峩峩洗心臺鬱鬱雲際出標名蓋自古經始曾不日
羽葆此中來仙樂殷球瑟烟雲帶奎藻林壑凝清蹕
明秀旣地靈崇顯乃天騰森然引衆象攢蹙比鱗櫛
籬菊耀黃華園栗墮朱實東崖八九樹絳氣蒙綠質
馨香儷芳杜文彩抗嘉橘向使作春容百卉早見黜
憶昨游楓嶽清秋上天逸崢嶸積玉圃藉用錦萬疋
丹丘湧初日赤城騰晚靄壯觀竟一瞥後期庶無失
邇來墮塵網恐被林澗叱到此却神會撫跡森可悉
寓目雖萬變賞心終一律諸君倘同愛相携躡永述

南漢山城

百濟開荒古三韓據勝全舟車雄四會城郭壯千年
留府今馮翊行宮舊奉天秋風政搖落登眺一茫然

季夏出泮陰道上作

丁巳

明星藹方昇弦月澹未落鳴驢已在門我興殊寥廓
戒裝辭北里揚鞭出東郭市遠屏啾喧郊曠散氛濁
政喜朝日涼復恐秋令迫微風漾翠稻餘露滑華薄
卽事多怡悅循躬少纏縛行從雲外交去醉江上閣

驟雨走筆

族雲遞屯決層嶂分晦明啾啾雀斂翼寂寂蟬收聲
微看遠樹合已聽前溪鳴急點下跳擲徐沫中洞縈

不愁軒檻濕頗喜牀簟清煩襟乃一滌幽緒亦屢弼
慮殷巢垤漂戒深溝澮盈况復素秋交氣候俄換更
天機自推蕩志士多苦情引領懷所欽江漢有脩程

夏夜

戊午

赤日軌南陸戢光彌燬烈歎蒸集襟袷入夜方未洩
遶房不可處散步仰天闕雲弱不成雨星衆反掩月
念彼羈旅子南行犯厲熱豈無同舟願江漢浩難越
回身息中圃灌木自成樾天飈感遠條吟嘯間簧瑟
形分久已忘聲屬蹇相悅何當接芳訊千里寫情鬱

冬夜詠懷

中夜聽北風攬衣遂達曉密霰繪層巘稀水篆幽沼
寒花半委砌高葉少停杪深知素律窮宛見玄令肇
感物亦已晚微霜乃先兆金丹未可卜琪闕限雲表
搖落北山下百帙擁緗縹雖慚漆雕大敢安樊須小
雲和有遺器絃絕誰能紹永懷古人遠沉思此身眇
沕穆九淵龍扶搖萬里鳥行藏未自程雲海方浩渺

奉和 聖製書手圈諸書韻 己未

萬軸牙籤插架長煌煌四部石渠藏句陳太乙森天
府泰岳黃河儼職方惜寸勤功存竹素曠千宸感
屬蒹蒼周官制作參遺緒漢史精華撮巨綱五子門

墻躋聖域八家旗鼓擅詞場丹鉛錯落圖書象點圈
昭回日月章旁及陸文資藥石編成一帙爛縑緗金
爐鍊出無查鐵玉尺裁來摠錦裳肯許軒懸容鄭衛
爭瞻丌典斷虞唐從知文道元非二建極神功頌五
皇

初入史館次黃江漢韻 辛酉

熙朝重史筆瓌望推詞林諸公允時髦河岳蘊崇深
匪才濫塵列撫往翻汎襟 先朝忝末第恩誨夙鐫
心喬陵穀燧改靈殿肅陰陰周旋出瑣闥心目優朗
森顧慚賦賦姿永負金玉音行當補桑榆未老抽華

簪

次吳士默

淵常

韻兼示呂友濂

東植

宮園秋日淨碧樹散澄陰起鵲衝風迴稀蟬抱葉深
和光元浪迹觀物每孤心青眼英僚在微醺倚竹林

與諸寮齋宿玉堂拈韻共賦

壬戌

粉署通宵直齋衣近玉除鍾聲九門迴花影八甌疎
古器陳壺矢新籤檢幄書峩冠森聚宿成象滿青虛
避暑集北營分韻得劔字

一月病不庭崇在愆陽僭靈澍應圭璧奇績多鍼砭
僊僊動起色小驢促鞅韉威紆入礪谷鼓徑閱峭塹

徑窮得勝處曠奧備所占風泉出萬壑匯湊如權斂
穿渠走急瀧委沼舖細瀲飛欄象彩舫曉兀當中泛
憑軒一振衣絺綌風襜襜同來豈異人華樹衆所艷
亦有二子疇昔共提槩圓方各在携鮭菜間耐醖
喧呼湯沃雪餘瀝飲僕僣分曹命壺矢律令嚴竿劔
有時色相矜賭勝爭餘欠馳景忽西戢初霞漲隙閃
光陰易見欺驩樂苦難瞻古人秉燭游此事知熟念
我輩各盛年交誼靡瑕玷兼旬曠一聚齊楚真兩歎
如彼早餘雨傾倒理可驗樞榆勉歸厚匏荀師屬屢
三肄續猷譜九合修廢坵乘韋自茲始毫翰費揮染

夜讌隣舍送尹景道濟弘出宰洪原拈農巖集

韻

楓溪黃葉滿征鞍咸嶺貂裘徹骨寒地接要荒須保障天分星宿出郎官籬花自趁重陽發塞月應同萬里團倚笛清歌將進酒殊方難續此杯歡

衝泥赴史局道上賦所見

壬戌蜡月半日氣暖如春積雪無留皓層冰剗嶙峋黃流冒九街獨漉泥土句河隄決木石涇渠浸隴畝大馬立沒膝大車行埋輪翩翩少年子衣服都而新不知有底忙衝險忘苦辛自倚步履便趨捷凌東魏

雕雕辨揭厲蹈地無遺掄行行入坎窞進退頗逡巡茫如泛大瀛維楫迷涯津下羨穴壤螿高慚戾天鶉不復惜霑體况論衣與巾遙睇出小坻穹若魚曝鱗百險得寸夷驚喜遺前顰奮身猛一跳謂當措衽茵誰知稻梁計禍機媒罟毘如芥投弱水靡然至底淪朱紫及苗莠彌近逾亂真美貌實狠心皮相多失人滅頂既自致安所施恚嗔後者稍奸黠存戒踰書紳舉踵擬礧堅踏踏如有循操術豈不精奉身頗自珍終嗟莒城惡無賴徐王仁瞥聞躡一響靡暇號穹旻頽然七尺軀儻若就窳窳驚定却掀掉宛轉祇自塵

身上何所着不辨緇與銀團團樸子大無處覓鼻唇
 恰似老蠻子文身用漆純又如墨而赭黻鯨赴鬼薪
 還家作何面奇醜驚四隣臧穀業雖異亡羊則同倫
 而我適出門注目興喟呻需泥致寇至圖象燦彬彬
 牢關宅邃宇患禍何由臻方知叔山兀自悔輕用身
 夫也敗固當誨我良諄諄行休自茲悟無假成都詢
 次李斗臣 台升韻
 名騏局促太行鹽潦倒微官替縛鎌稀見高門勤吐
 握早聞良史起盲閣音操白雪元難和睡覺黃梁揔
 付謔試上須彌騰遠眺四洲何處覓南閩

衮服輝輝遍洽鹽苧蘿無怪有樵鎌寧爲激烈游屠
 筑肯學嘯兒事妾閣傑氣標高知免餒放言驚衆或
 疑謔明珠百斛隨飛唾天遣文星寵北閩
 鉅筆何曾海漏鹽逐篇鈇鏹劇刀鎌窮精衛技齊輪
 蝨包廣周官逮僕閣險語直能摧鬼膽慧詞應是感
 箕謔奇緣却在中郎上秘得論衡不出閩
 西舍挑燈賦絮鹽孟春初月麗銀鎌揮頻玉學空焦
 史抹遍華牋罄蔡闈殊有鳳毛欽大雅強聯貂尾愧
 狂譎文垣勝事終難朽安得丹青似顧闈
 床書兀兀食忘鹽草沒庭階不用鎌敢擬東方酬客

難自分中散笑貞闈春明聽漏頻催老雲峽歸田或
發謔三選投閒行有日羊求可得許同聞

箕城襍詠 癸亥

箕城一片大如航閱盡東韓未易方都邑要衝參貝
魏山川佳麗兩蘇杭

江村生活在漁竿小牒搖搖不畏灘直入城根無覓
處風飄笑語上欄干

輕寒欲透白羊裘春早江城百卉愁南岸垂楊偏得
氣低柯已蔭釣魚舟

統軍亭

魁然木石據穹崇獨任三邊捍禦功萬里簷飛長白
雪四時軒納不周風灣商草舍孤烟碧獫騎蒐塲遠
火紅一水盈盈拘阮轍燕雲極目思無窮

大殿端午帖

絺衣穆穆御薰宮五葉萸開應協風已戒微陰潛在
下爭瞻瑞日赫當中香蒲入酒祈遐曆歧麥登場頌
屢豐要識聖人參贊妙養來羣物不言功

大殿延祥詩 甲子

祥曦擎出玉樓東和氣氤氳八域同半夜葭灰初暖
律一時花信已條風星周六甲回天運卦進三陽協

聖功宵旰 宸誠存對越 佇從方寸得年豐

除龍崗辭 陛日與諸守令同 賜對于熙政

堂勉諭諄複次詢道里遠近行期遲速 恩顧

優渥有踰諸人承聆感惶退以韻語私識兼敘

微臣離違耿結之忱

通籍切霄漢分符遑海陲郡檄信所喜禁闈那忍辭

臨當閣門拜踵舉如或縻旋聞紫衣促顛倒陞文螭

忱誠詎能通體物惟 聖慈溫溫降玉音穆穆凝彩

眉西民儉秋穡乳哺乃汝司次之問道里行役于何

期虞咨惕阻飢周雅勞透遲 王言動典謨斯義實

兼之臣愚 聖所燭三載充禁帷窮年守章句裨益

無毫絲委寄况民社應卒缺素資承恩轉悻悻裘汗

沾流離驅車出郭門飛盖風披披川水越凌兢嶠雪

歷參差觚稜隱天末渺渺我之思宵征望北辰晨邁

瞻東曦天明赫無外萬里當軒墀寸心苟不懈報答

諒在斯

大殿春帖子 乙丑

紅雲捧出六蒼龍入律東風應曙鐘欲問春從何處

至一團和氣在 天容

重過滿月臺

臺山集
堤柳黃深隴麥柔御橋虹斷水鳴溝山河不復金湯
故臺沼曾經玉輦游缺城沉沙支浣女敗輒蒙草着
眠牛向來搖落還冰雪看到春風始欲愁

善竹橋

西辭崧陽廟東望 穆清殿交欄閣廢梁呵護視宮
院傍人指相語侍中血所濺森然動心魄下馬卽苔
面朱殷界素皴柔縷浸濃茜斜漢落逶迤斷霓逗連
卷我聞蓋如是日擊更疑眩化碧聞周語倒流記晉
傳精氣有偏轆物理或奇變先生實儒宗名世應天
遣來如降星斗去若收雷電豈比一曲士驚動類沾

銜崑山火方炎前列乃隨卞豈不惜麟蹄其奈值龍
戰成仁自有地白日照青甸商頑隱悲吃齊諧喜增
行華躡託僊靈湘斑祖聖媛野史不知裁流傳資筆
硯祇可廣異聞無乃迷正見吾道本平常明者當見
覲崧高作平地碧瀾纖抵綫清芬竟萬春垂教未爲
倦借問天壤壽何如石一片

監糶出西倉道左小憩二首

白雲高不動春日野田午悠悠麥委壠藹藹樹團塢
弭蓋息山椒風花散如雨卽此便可樂誰知非吾土
遠遠見人行耒耜各在手茅茨復易知微徑入疎柳

日中四鄰靜兒女看戶牖生理諒可認緩步巡井曰
貞純王后因山日志哀

左海 英宗后四年元祐風弛張依 聖軌命討用
天工禁掖珠紈屏閭菽粟豐詩書更餘憾藝摯不
言功

遠日龜謀允 先陵象設森歸安宜地道虛左認天
心風壑床琴咽雲松陛仗陰告成三紀後 皇祖有
昭臨

迸涕隨陳迹啣恩撫盛年賓筵侍讀座史筆尙書聯
駿烈摹難盡鴻慈覆若偏宮衣鸚鵡綠那忍掛朝天

景道書示近作次韻却寄二首

微白生簷缺東峯月上初隨風乍漪簟映露欲冰除
山立禪觀寂林橫筆意疎向來縈百慮誰信寸心虛
風土三浴別天霜八月初荷殘根倒水楓壞葉平除
白酒愁難遣丹砂計易疎韋編添夜課稍欲悟盈虛

龍岡三和咸從龍山江西稱
三浴五邑言三面沿海也

咸從道中

磴道千回並礪斜馬蹄磊落蹋崩沙崖縫紫菊無人
管自向寒天盡意花

如成川趨叔父晬辰也依昨年春州壽席韻賦

上一律

五馬東行趨盛筵弟兄分竹荷恩天豳風十月為春

酒楚樹千秋有大年象服元來稱懿德叔父今年用侍從推恩承

緋玉之典名樓從此降真仙吾宗福履推雲祖華曲巫山

一軌傳族祖谷雲先生清德邵齡為世所宗仰嘗宰成川晚卜築于春川華岳山下水石清絕甲

於國中即谷雲也從兄前任春川今又移成叔父皆執養焉杖履所歷同符族祖故末句及之用寓祈祝

縣中曉行

侵星出近垆凌霧越荒陂遙天澹亭亭稍自辨方維

露翻草光白風急泉聲悲懷祿有驅使能復憚路歧

沉淦領所歷幽意空自知

縣齋書懷

結髮事墳典開口譚伯王承恩侍帷幄意氣彌激昂

橫經上文石抗議薄穹蒼三英指日復秦後皆糝糠

至尊或動容同列譏顛狂自從試縣來撫志忽摧藏

日出事追呼搜剔傾囊箱鞭箠稍能安填寡良可傷

里胥報牒至夜來添逃亡輸課動有期安得輒弛張

風漓獄訟滋教微庠序荒誰云牖民易如彼卮無當

悠悠享稍廩忽忽經溫涼蝸廬且不理况論營建章

閉門學操舟臨河却迷方燕齊競搯腕靈草終微茫

吾道得無似悵然煩中腸

戲題李中軍楹所藏畫帖

走馬飛鷹見在身却來林下伴垂綸須知從古江湖

主盡是當年性氣人右漁獵

碁逢敵手休輕着琴闕知音便輟彈似學真人子壺

子九淵方示一鯢桓右琴碁

將赴孝安殿練班歸淵從兄近淳氏時任成

川約會平壤並轡而行時丙寅孟春之三日也

丙寅

歷歷磨驢跡箕城至漢城官聯依北極仙侶得東明
款款壘篋樂迢迢江海誠休言似鳧鴈來去摠恩榮

發龍泉向葱秀約道上各有所賦抵站交和及
稅鞍索之兩皆無有蓋從兄睡轎中余誦易自
乾至家人也相視啞然而笑

詩課居然破真成三笑過天根探畧遍華胥住常多
江錦非才盡臧羊問業何雲臺分秘訣睡易實同波

玉溜泉

不見蘭嶠老來尋葱秀泉幽嵌通闕白峭壁詣重玄
永歎苞蕭浸能忘嘉樹傳遲徊今古意慢火聽甌煎

平山以南地氣頓異原野間春意藹然

亭堠東陽始王春近翠華土融牛出耦沙暖鴈停差

迴樾團深暈陰崖冒淺芽郊原良可愛弭節戒征車
太白山城高麗名臣壯節申公食采于此城內
有祠奉鐵像頗著靈應云

黃屋標奇節丹書勒大勲遺祠遞金火厚燾及來雲
茅土茲邦是君蒿故老云春空聞鴈唳猶憶舊從軍

次從兄韻

并小引

睡易同波盖紀實也非敢以誦易自多而從
兄另示一詩盛讚睡功有若解嘲然得無看
文字太深耶還覺悚甚然所謂詩也易也都
不過忘勞排悶一切權宜之計而方其思繹

締構遺漏易而湊合難則其勞且悶反或滋
甚焉是殆畏景惡迹日中而走者如欲一
真常寂六鑿不攘勞佚愉悶冥然兩忘則儘
乎莫睡若也然則從兄此詩可謂行役妙訣
又推而廣之以至持身處世無之乎不可何
必作解嘲看又何必作行役一事用余亦於
馬上倦甚時時闔眼邀睡而戒在銜檠持轡
惟謹終不得快意打齣是可恨耳然世以陳
希夷墜驢事輒擬於虬髯鐵冠之倫而余則
曰此論未必然分明是睡而墜耳特墜而能

全乃所以爲希夷也余之誦易旣是雲臺一派而又能防墜節睡不盡師其迹自以爲善學柳下惠未知以爲如何

等是忘行役操方不必如詩非繼風雅易豈玩圖書事物終爲累根塵未便虛華陰防一墜愧與睡鄉疎

附原韻

君莫笑吾睡吾知睡莫如能存未發界勝讀不傳書悔吝生乎動清明本厥虛希夷千日債餘意未全疎

猪灘李青與重老死事處也

猪灘愍忠廟野史記 長陵逆賊豺嗥敢將軍豹死能西師此先試南狩竟中興何限儲王輩平生誦孔曾

松都

滿目荒荒岫周遭認故都樓臺無地覓豪傑與雲徂漢業今千祀商餘獨一區杜門仍積著休道盡金夫

花石亭

名亭栗老宅感古一登臨破壁琴書冷荒江歲月深山摧隨大運川濟負初心已矣斯文喪東西梗至今

牛溪先生墓

臺山集
栗翁元氣會夫子與同風燕處常存敬庸言絕墮空
荒原生感慕遺澤悟流通休矣 明宣際人文祖我
東

坡州村舍

可知逾旅近嘶馬逗臨門童稚迎雙蓋鷄豚慣一村
遠烟棲樹靜斜日帶禽翻蕭灑田家意蔬畦繚菓園

寄士默 并小引

余性不喜交游而通籍十年所識自廣屏居
以來一字問存沒者亦寡矣獨吳承宣士默
從火炎中三四致書書輒聯紙纏纏卽親戚

之號爲天屬者亦或不及焉語曰歲寒然後
知松栢之後凋余之知士默固不待今日而
信其知之不謬則亦歲寒爲助焉畏約咋舌
不能一一修往來禮而中心之藏實有不能
忘者暮春在西江讀文選至沈隱侯別范安
成詩率爾步其韻用短簡錄奉情在乎斯卽
寒暄名氏付之歇後可也

少年不惜別只爲易前期前期未易卜離憂更多時
飛蓬在風中飄蕩何由持努力各自愛皓首慰相思
觀外姑葬于麻田道中感舊書寄李穉性 綱在

金幼成 在成○并小引

昔歲辛亥之春與趙聖益學謙昆仲舟下麻田之唐浦探峩眉赤壁之勝登望蠶頭訪古崇義殿余時年少山泉之賞蓋於是乎始意甚樂之久而不能忘也越九年聖益沒而葬於麻又八年而有今茲之行宛宛一紀餘人事之變乃如許矣舟過之不覺潛然良久賦一絕書懷雖篇短詞荒亦思舊歎逝之流也聖益不幸早世才美不表於人吾姨婿四人晉如幼成皆不及見聖益峩眉之游穉性雖

未之同見聖益而知其可惜者獨余與穉性耳

草宿麻崗已八霜峨眉往事欲蒼茫那堪白馬嵩丘路更斷山陽笛裏腸

士默之官永興書示海上二絕用韻却寄 丁卯

寰中無地不嶽崎行遍千蹊復萬歧惟有滄溟差可泛滄溟盡後更何之
宣尼竟不去乘桴春服沂壇戀舊遊獨有靈均知此意陟陞還復睨椒丘

奉酬松戶李文 箕采 寄示韻

吾道今如許投閒亦偶然不才真散木可食豈寒泉
耕鑿堪隨地行休且任天春來知一趣無客攪閒眠

寒食日獨坐志感

春到荒江亦不遲遠山水雪尙餘姿輕鷗拍浪誇新
浴老柳搖村鬪暗滋寒食空傳綿上俗招魂誰續郢
中辭幽愁恰似西原草燒後東風又一吹

次善淵再從兄

可淳見寄韻

落落還吾輩相看耿曉星流年催鬢髮一水限門庭
池草新投句江離舊撰經秋鱸已堪膾何日命歸艫

附原韻

閒寂雨聞夜江湖看一星人烟遠城郭水氣行戶
庭石室念先故雲樓多古經游人不相待秋夢滯
虛艫

疊前韻

不寐知宵永寒簷度列星菊荒霜暎慢楓落月流庭
憂樂終歸幻行藏未廢經江湖滿眼在何處覓虛艫
善淵兄在 獻陵直中錄示月夜見思之作依

韻奉臚

爲憐幽獨滯空林天路迢迢枉見尋滄海未淪終古
朗片雲能作幾時陰風瀾乍歛酒初定霜木微疎透

欲深松桂西南人似玉隔江相望歲寒心

疊前韻

幽篁元自秀羣林霜後偏憐劔十尋人物同堂慚過
末文章虛席讓何陰新秋宦味看山足獨夜離懷聽
雨深何日雲泉携手去一窓流水話琴心

漫吟

十年南畝早飛埃覓得桃梨手自栽不怪傍人嫌醋
澀請君試具肉糜來

從人學得泰山名地上還嘲岸上行冷眼何曾睇絕
頂血誠應是護深坑

奉疇善淵兄述懷寄示之作

用山高月小水落石出分韻

大道久委地六經能文姦乃知鸚鵡惠不如豚魚頑
秦車碾虞轍那得尤泰山

稷禹至今存誰復稱蕭曹東京幸小康五噫無已饕
頽流逝安極回首滄溟高

炎天忽霜電太史書警闕凝陰駁寸煦凍屋恩到骨
終是大分界四時十二月

仲尼欲無言蓋為知者少中裁絕偏倚隅見生侵擾
僭王自罪大伯佐自器小

荀卿差識性其次揚雄氏孟軻欺余哉疑團耿未已

豈不聞清濟朝暮黃河水

棧樸薪齒剪楸櫟材中斫野菊適旅生莖葉幸疎畧
未可丐數本從君殿黃落

北簣燒當笋南駝腫其脊賢愚各聞見奚翅限九譯
卞和良苦心三世爭玉石

朔風振穹岬飛雪暗阡術牽驢換東市裘褐當早畢
少覘豈不佳泥滑何由出

又和偶語八絕

巧機攏不息淳風挽不還儒宗周茂叔鄉社元魯山
駕險須長轂航湍須勁篙東京子龍哲元祐景仁高

投珠或逢怒售玉豈償別風頭莫種花波底休捉月
韶護不沿腔嬙姬無定表文章擬失真道學拘生小
寰區只如此蠢動畧相似薰蕕不離草龍鱗竟同水
蕩蕩我何愁忽忽我何樂仲尼亦棲遑重華已徂落
經腴腹不充史鉞肌不磔都人但貴玉野人應賤石
名士信多虛頑夫時近質種穀稗或生種稗穀豈出
舟往春艸亭一宿歸淵時自石郊搬移 戊辰

崖榭紆春望灘舟傍日斜安危須聚族來往卽浮家
雜樹翻青壁飛花度白沙淵龍政冲默村鼓莫輕搗

舍後有龍祠
禱雨有應云

詠兒戲

小兒隊而嬉頭角畧齊僅如馬逐水草相喜或交頸
衝然起一鬨氣勢頗賁猛詈雜禽畜咬攫牙爪逞
強弱或不支啼笑紛戚幸問爾競何事殘果及碎餅
豈無細曲直大體不足省法當用榎楚一切揮而屏
旋恐老無力祇以滋頑梗又念至愚駮仁義難施警
不如閉戶臥熟睡俟其靜我睡豈終日爾鬩亦俄頃
誰能禁蠅蚋彈指秋河耿羲輪碾剛午透轡喘餘永
風漪七尺簟淅淅翻微冷青山瞪相值綠潭明可影
小詩亦戲耳聊復觀惺惺

悼虎錫

我窮百不遭胡爲與此兒旣與而旋奪酷罰諒在斯
駸駸四十年中壽恰半之稱爺幸非女誰復論形姿
天公更戲劇犀角一何奇
吾生鮮驩笑得汝方一有情懷信孤耿恩愛豈偏厚
愁來置汝膝獨語如中酒悠悠百種計宛宛一紀後
篝車望已奢悔不志升斗
汝病積旬日糜藥苦嚙吞顰呻不一却重是父母言
蒙泉未濫觴準海此其源曷不假之年充拓窮所存
漂征奈孤鳳訓狐方晝暄

臺山集
憶汝戲書側握紙紙痕積我見適嗔呵稍不節其色
低頭欲知悔嗚咽情所激憐之使就抱顛倒如奉檄
塵編尙在眼我腸真木石
臨歧撫汝樽有觸如可喚入室竟何睹遺迹空珮玩
英英玉雪膚何氣忽聚散輪迴祖竺典此事蓋荒誕
癡思覲一值未忍便河漢
吾齒壯強交理或一乳可哀獨汝生淪委永終古
楊烏及顧熊幸哉託名父奇芬迴未沫不與衆殤伍
吾詩復何賴剗割只肝腑

大雨江漲賦得四絕

嚴鼓銅丸徹夜聲瓦溝遙認百川傾江妃舞袖迴旋
窄權借西南十里坪
得意蛟龍弄角牙黑雲撥水萬輪車高樓拍手桑田
劫敗屋傷心瓠子歌

急澗僦川不用科山頭木石亦奔波中洲老柳飄蕭
立散髮鴟夷擁一蓑

峽水勁清野水渾相逢鬪作礮車喧長江大有包含
力携到滄溟不見痕

江漲時往往有大
聲如礮俗稱水鬪

霽後又得四絕

雲師旬五亦知還天闕冷風閃隙斑泥路未通隣舍

迹隔江先入廣陵山

一雨纔添一曝抽江河萬古有常流呵回鼉鱗平新窟喚集鳧鷖領故洲

長年信宿苦遲遲歌笑西風去不疑記得來時維纜處碎蓑黏曝栗留枝

側側崩沙界綠疇塗泥表出古揚州天公可是憂民切探賜明年一倍秋

老農云濱江之田被水填闕則年歉明歲倍收

次春草亭內八詠韻

糝徑或颺雪烘林方漲霞開落雨不妨一般園裏花
右小園賞花

作鈎勿太細結網宜少疎鯤鯨絕可念深處多巨魚

右前江打魚

輟筴療煩肺停吟養斷髭不作刺史計何妨長日碁

右風軒對碁

秋月明何極瓊樓望沉寥老坡歌自苦休問客吹簫

右月窓弄簫

桃杏氣方銳自言無此紅天公善區處秋後出霜楓

右倚檻看楓

淵明一采之莖葉遍華屋誰知散人庭吾自愛吾菊

右巡階采菊

烹得枯枝活沸連涼籟講極知烟火內少此一甌茶

右松下煎茶

裊裊窓前竹結根纔歲餘何當勝科斗著我腹中書

右竹裏誦書

又次外八詠韻

曾爲列宿紀蒼龍老向江湖乞就封却悔當年輕作
雨至今牲幣走三農

右龍壇曉雨

河西苜蓿漢宮春極望郊原翠色新敢薄天閑三品
料不堪哺秣仰奴人

右馬場春草

西南浦缺不禁風歷歷栽檣度鏡中安得同舟如李
郭蜚廉奔屬上青空

右舞島風帆

濃於水墨澹於烟剪斷吳松一半天怕遣西風塵污
面百重遮到小欄邊

右松坡烟樹

幾日南飛抵岳陽夜來毛羽颯天霜後羣未到前羣
遠楚樹燕雲夢短長

右賓陽唳鴈

一點斜陽帶去牛隔溪黃葉數家秋休言紫氣今難
覓自有回公是道流

谷有呂氏居故云

右函谷歸牛

積雨初收古漢城一輪霜旭破雲明澄清氣象人誰
似除是山東玉貌生

右南城遠照

東郊松栢漢諸陵金粟千年瑞氣凝隨例樂游原上
望愧無兵論贊中興

右東陵晚翠

士默蘆原莊舍會李性老

存秀

一宿敘舊拈韻

共賦

文杏蒼涼轉夕陰話闌簷角掛房心閒來久與驂鑣
潤病後初逢酒盞深吏部朝中違散地石渠天上盛
儒林東岡政為幽人設頗怪諸公早見侵

兩公皆歷銓地性老

又兼閣啣而方僑寓新村亦在東郊故云

秋日病起試筆

簷柯日薄淨篩輝野渡沙乾泯漲圍小熟隣盤猶社
酒早秋村杵已寒衣登樓縱目非能賦臨水傷心豈
送歸多媿流螢尋舊好夜來偷點短檠飛

送黃景山

巖

歸平壤

槽床中夜聽鳴泉潤得山家抵萬錢恰似天公嫌太
滿一杯先作送行筵

事左身勤古所嗤半年追逐竟何為文章更較困囊
乏惟有奇窮似退之

交承牌拂一經師往復筒囊七字詩若道它年忘此
狀在傍須證白鷗知

昌陵西北筭歸程烟店霜橋觸眼明慣是當年游戲
地憶君隨處見君行

國風井地千年舊家學中庸一句真努力歸來耕且
讀莫教長作路歧人

景山高祖執菴順承有學
行篤於操守世稱黃固執

白雲寺已巳

十里登登路禪廬擁白雲清溪迷屢涉幽鳥駭初聞
五岳今諧願三峰舊見分簷鈴翻可意玄話對鑪芬

藥師殿村居

寺廢猶孤塔村成方數家天光團處朗日馭到來斜
牛碩餘豐草蜂勤致遠花風埃少樂土羨爾卜烟霞

三釜淵敬次清陰集韻

茂叔濂溪號徵君栗里村流傳多歲月開闢一乾坤
囊篋烟雲足羹墻水石存淵龍休見客家集久尋源

敬次三淵集新構韻

遺墟指點石門東一壑廻環萬嶺崇不見茅茨開谷口尙疑鷄犬在雲中玄潭獨倚蟠龍護青壁初因挽鹿通堂構蕭條鞍馬促百年依仰愧村翁

禾積淵

漢水沉碑出秦山聚米高憑依嫌土着搖抗任波淘側逕攀誰捷危巔望亦勞休言頑是石頂立愧英豪與少輩戲賦蜜蜂禁花字爲令

春營期會不饒些露宿山椒趁早衙摠爲同甘恩泮髓一生飛輓死君家

丹成合族飫黃芽滓穢捐同飯裏砂乞與齊奴資舉

火却將豪富向人誇

六月二十七日夜夢觀先王翼日卽諱辰也

天上飛龍地上臣十年回薄又今辰營魂不被三生隔夜蹋星河覲玉宸

芻矣重華亦處常聖衷還有至難詳經綸摠自心思得憂戚終令血氣傷

迎春燕寢閭閻侍熙政賓筵諾諾酬歸拜雲鄉應次第幾人能免汗霑裘

憶脫麻衣拜玉除映花堂上駐鑾輿文章自入重瞳別不借楊監誦子虛

曾思論孟紫陽終夙奉恩言在 闕宮政使雲裳裁
得好欲從何地舞春風

臺山集卷二

臺山集卷二目錄

詩

舟溯斗尾

庚午

楊根水南村訪李戚聖立

源昌

蘄溪

與聖立訪水鍾寺鄭聖耒

耕周

同行

過斗陵

憶栗村鄭聖耒

詠梅

宗老平仲

紹行

來過賦冰江

辛未

無題 壬申

大雪後一日大雷電以雨翼朝鄭景守 世翼走

小奴示二絕次韻却寄

次景守贈平仲韻

和景守替東 癸酉

和景守雨中

六月二十八日景守緘示二絕次韻却寄

驟雨

次景守月夜韻

戲筆得六言五首

伏次家君書示諸韻 甲戌

閒居有懷和陶詩擬古九首 乙亥

春夜獨坐次陶詩韻

月夜泛舟

廣湖賦梅

冬夜讀書有感

寄景守 丙子

追挽京山李公 漢鎮

惠慶宮輓詞 代人

次韻贈雲广主人金太和 丑

赴黃威鍾萬母金孺人回甲壽宴席上呼韻

暮出舍西溪上觀魚梁

丙子十二月十四日先文正公自石室奔扈南

漢之年若月日也祇拜書院謹賦一律志感

霖雨臥病雜題丁丑

冬夜襍被春草亭送平仲還鄉戊寅

奉和松戶丈秋日游吳亭感舊有作寄示韻

戊寅除夜敬次三淵集已卯元日會宿石室書

院韻錄上歸淵轉示從弟士景運淳請各賦

一篇以備宅日故事

景守來過臨去索紙寫一詩走筆步韻已卯

讀野史有感

奉次松戶丈登玉流後麓看花韻

初夏讀韋蘇州詩戲摘十六句簡寄景守

家釀杜康酒成飲一盞徑醉戲作長句

李孟陽頌和惠投一律屬意甚勤次韻以謝

臘月二十八日夜大雨以風千里堅冰一時撞

碎蔽江而下三日乃止

雨中拈劍南韻庚辰

出溪上得一絕

夢作一絕上十四字覺後畧有添補

次松戶丈東臺看花

踏青日大風閉戶不出戲吟一絕

書贈竹溪

平仲自號

松戶丈人寄詩輒徵批評間嘗一再應命而著手朱黃終有所不安今則闕之代以詩語

夢遇一士類學道者謂余曰文章非儒者本務公何不能頓遣余應曰詩不云乎出言有章言而無章正坐本不立也士有愧色覺而記之

九月既望會景道洪元教箕變于春草亭信宿

譚敘

疊樓字呈春榭轉示尹洪二公

疊居字寄上松戶几下

用丙寅舊韻謝寄穉性辛巳

漫吟示李生成仲淵菴

初夏散步至東崗記所見

赴外舅葬道中疊霜字舊韻示穉性幼成二友

過吳士黥蘆原莊舍感舊有作

雨夜悶坐忽覺窓扉有光仰視弦月出重雲間

晁亮良久喜吟一絕

喜晴

健陵遷奉日望哭志感

追輓吳士默

會丁承旨若鏞于鼎山臨別書贈

茶山丁承旨自號寄詩二篇次韻以謝

次竹溪韻

深谷書院甲申

望健陵

自規

追悼宗老石溪居士綱行

追悼魚君弼錫中

用藥溪舊韻寄南子素升來○并小序

乙酉仲夏閱篋中故紙得沈太和春永五言律

一首蓋壬戌夏秋間太和乘月過訪滯鍾留

宿拈家集韻覓紙灑翰余適病憊不能屬和

者也詘指中間歲月忽忽二紀有餘而聚散

盛衰如爭累劫注目把玩忻慨靡定遂依韻

題其下替簡寄呈太和覽之計亦恍然如夢

也乙酉

陽川縣齋書懷

省覲東還挈舟仙游峰下觀朱蘭嶠石刻砥柱
二字溯流泊楊花鎮是日適七月既望乃挹
翠軒游蠶頭日也舟中吟一律紀之

是月二十八日乘舟赴縣過松坡拉聖立同行

趙友聖約學儉期會于龍山

以鷄餉遠亭李翁

縣齋邀太和晤語

哀金烈婦并小序

次斗南新居韻送姜舜如大重歸安東丙戌

次杏湖族兄鼎淳周甲壽席韻

陽川官齋次鶴山尹景道號

與鶴山登縣北古城

諸公將還步出江上送別命韻得三絕

畢賑東歸陟蠶頭少憇

太和與鶴山會元教宅有詩錄寄諸作皆有見
屬語不容無謝續題以還

七月二十三日夜獨坐至三鼓待月苦不出偶

誦山谷與晁無咎廖明畧贈答長篇悄然有
感遂步其韻成二首所謂以文滑稽也觀者

恕之

晚春尋山北古寺偶成二絕 丁亥

閏夏過杏湖次壁上韻書奉主人兄

敬次先文正公寄題香雪軒韻

香雪軒雜書

樂民樓謹次高祖考韻

題龍江祠

八月十二日陪慈駕之邑道中有吟

奉驢外兄李參判 愚在 赴燕

差東堂參試發向高原道中口占 戊子

高原館

雨中出高西倉

鶴浦道中望海

麴島

又吟一律

是日春盡

秋日登飄然亭次板上韻

書室諸少年賦紙鳶戲次其韻 庚寅

除夜

蘗溪

遺篇愛說蘗溪廬家籍珍傳芳谷書一壑耕桑斯最久百年花石未全疎瓢臨冽井懷羊棗屨及懸崖撫鹿車經盡迷塗歸弱喪小孫華髮映秋裾

與聖立訪水鍾寺鄭聖耒

耕周

同行

表裏雲濤會金光現處高楓杉千劫短鍾磬十方豪絕巘愁過鶴崩厓怕掣鰲寰區敢言小納眼盡秋毫

過斗陵

悠悠合散海揚塵丞相幽居問水濱綠野猶開新第宅朱崖不返舊簪紳功名歷數稀完質憂思纔經摠

別身輟權中洲延野久百年多愧嫩腸人

憶栗村鄭聖耒

松菊潯陽里桑麻谷口家逢場真率爾別意更如何江搭分身月山通一氣霞行當問衡宇資老就南涯

詠梅

羅浮山下早聞名石室村中始目成寂寞猶堪娛閉戶嬋娟本自倚傾城飛雲緊貼應同氣落月徐窺似有情未許靈均輕下筆恐留題品等蘭蘅

宗老平仲

紹行

來過賦冰江

辛未

非雪非烟一望平夜來添得睡魂清洲連曉月難分

色灘學秋雷共悶聲鉛汞陶成丹氣候琉璃現出佛
光明看它活潑由凝定誰道乾坤未有情
滄洲南北地盤平坎險居然見廓清鎖鑰深深魚鼈
宅橋梁橐橐馬牛聲焦炎對極天工備涼露知微物
態明試向壺中收一片百年看取故人情

滑澤真侔鏡面平玲瓏不讓玉膚清剛風忽借柔中
力轟霹時傳靜裏聲臥處琴書增冷泊起來天地頓
開明毫端一滴能摹擬方信尖奴有巧情

便可權稱水土平亦應梯接到三清通身大塊無縫
罅一色玄空泯臭聲蓬島休煩借鰲戴貝宮何處着

犀明如山會有消融日堪向紅塵警世情

欲將融結擬陂平不比黃河久俟清自是流行難奪
性可能淵默遂無聲潛魚候陟機緘動蹈虎同危警
戒明寄語舟航何間闊一番春浪又新情

無題三首 壬申

野人得寶玉中夜生白虹齋持不敢私徑謁章華宮
中塗遭按劍顛倒偷微軀傳聞獻有賞高者祿千鍾
歸來席門下放頓依蒿蓬鄰人過不睨塵土眯雙瞳
幸賴色理好搏弄紛兒童全生豈不樂迷寶亦堪恫
回思按劍者知己無乃公

東海有列仙西天有諸佛冥棲抗塵表千駟視一髮
未論學醇疵高風信超兀自從二武來真贋一何滑
珠旒講苦空金殿虔齋祓遂令名利徒搯腕事干謁
妖丹託鑪鼎俗緇扮槌拂崇山與鉅林擾擾占巢窟
聃迦豈知此呵罵真遭屈三隅良可反感歎至明發
道尊識者希物貴儔必少使鳳如鷄鷺何以稱瑞鳥
靈芝不作林應龍不毓沼精粹一有之難比衆萬擾
相撞敵勁脆鄒楚勢可了所以古至人鴻舉在物表
不然葆其光抱關安卑小奈何屈賈徒沾沾事揭標
揚眉激衆媻晞髮明獨皎途窮苦難悟龜策勞訊兆

才高道未充可憐自纏繞

大雪後一日大雷電以雨翼朝鄭景守世翼走

小奴示二絕次韻却寄

潛陽無力破驕陰徑喚轟霆起鬱沉自是拘儒多所
怪弛張誰識上天心

幽吟寂寂倚孤松極目乾坤閉大冬雷水庵中高臥
客安知不是此間龍雷水菴景守堂號景守詩有無
乃隆中起卧龍之語故反其意
以答

次景守贈平仲韻三首

絨冕有同升負戴亦偕隱匪要景響似實由臭味近

自從伐木廢此道久已泯况在淪落際誰復費援引
懇懇谷口子蒼然邃古準澹貌謝華蒸深心攄糾緊
言譚所未宣清唱殷虛牝難將折楊音敵此流波軫
都畿士淵藪賢俊未應盡勉哉廣其游毋爲當世哂
半生讀儒典多拘少解脫道謝柱下工學恥顛孫達
迷塗悟已晚才竭從之末如今只一策塞兌避衆聒
牀帷足自容天地不須潤詩書彼何物可憐蠹魚活
古今甕牖子沒身事採掇生爲季女飢死作夸父渴
人生不識字誰復勞予奪沉思得此理心界方一豁
吾愛竹溪翁天然大雅作投之古名家漫不辨今昨

懷藏自林壑遊戲或城郭美玉本忌售良金竟羞躍
饑腸未學龜老髮已成鶴勁鋒亦摧頓奇氣尙寥廓
大言百年內虛不充薇藿獨有物可代撐拄皆墳索
我謂未必然無用只瓠落可招鄭生來一笑轟水閣

和景守替柬 癸酉

漂漂江漢一書生倚閣臨流獨夜情身世已隨鴻鴈
冷鬢毛新學鷺鷥明儒風寂寞三洲里伯跡微茫百
濟城滿目蕭然遲暮感水窓虛白曙河橫

和景守雨中

覓岸舟銜尾投林雀命羣紛紛方墮雨勃勃更升雲

臺山集
擲地如將數漫天遂不分高江穿峽遠商畧夜濤聞
六月二十八日景守緘示二絕次韻却寄
年年此日哭雲鄉休怪今辰更特滂欲學絲桐無曲
譜美人何處見願長
簞瓢至樂築塲哀未必三千盡賜回若道春秋可刪
沒知渠本自喬戎來

驟雨

落景餘霞絳遠林隔江飛雨見森森浮空已作千重
黑到地旋爭一尺深忽忽炎涼催運化悠悠川陸斷
追尋家人例說秋衣急舊帛今年少上砧

次景守月夜韻

涼意先疎屋後林四更山月暎森森婆娑不定橫江
色磊落旋生滿院陰夜永無堪清到骨天高那得暗
欺心瓊樓十二寒誰禦腸斷東隣徹曉砧

戲筆得六言五首

急雨過江閃白餘霞抹岬暈紅估客千帆落日漁村
一笛西風

嘉木垂檐偃蓋澄江抱檻拖紳清風北牕靖節細雨
西塞玄真

紈扇稍疎柄用綿裘政合施行代謝自關天運炎涼

莫怪人情

麗服雲裳霓帶昌辭玉珮金鏞觸眸盡怪南雪過耳
不留東風

刺草要驅蛇蝎種桐擬宿鸞鳳不禁千莖滋雨可堪
一葉飄霜

伏次家君書示諸韻五首 甲戌

難將一葦駕洪流宿計回頭儘謬悠已許禽魚同我
樂可堪軒駟替人愁竒書得便研朱點時事談宜舉
白浮非有先生真格語莫言方朔類俳優
急雨湫傾大旱餘帆檣一夕到堦除驕蛙合譟添新

隊駭鷺羣飛蕩故居黍穗難禁將臭厥禾秧不及已
焚如皇天本意要相制自是乖龍弄得疎

紅顏那得再嬋娟把鏡相看一悵然刮日寧論三日
後撫心還愧十年前寒蟬抱葉多時靜晚蝶逢花不
復顛直待浮華銷落盡未妨平地作神仙

百卷書如海吾猶見晦翁聰明嗟有限意味儘無窮
理勝華彪外談常妙在中斯文久長夜何處覓遺風
木散元應棄膏明或自煎庶無嬰後患那免數前愆
浪迹風埃混孤衷日月懸潛居臨有帝對越敢忘虔

閒居有懷和陶詩擬古九首 乙亥

閒居無所事繞屋植桑柳以茲合圍大知我投荒久
離羣未足悲本自寡親友待詔亦何樂性不耽杯酒
悠悠念京國戚戚如有負軒裳與蓑笠此意無薄厚
行藏古人事於我知何有

管寧適遼東田疇隱無終古來避世士曾不陋羌戎
奈何鮑司隸甘作長子雄低回戀中夏意欲挽頽風
炎精黯將歇賢路嗟先窮成敗未易論感歎縈我中
客有遠行者相送至城隅念此無期別徒御慙不舒
人生百種計不如守田廬桑蓬好見欺奔走少安居
淵明幸早覺三逕免將蕪紛紛晉宋間達識誰可如

我生秉竒志衰晚落偏荒遙違稷禹庭近謝游夏堂
寸膠亦何施九河方混茫賴有一雙眼觀世如觀塲
榮枯露電頃聚歛同北邙遺蹤在後人歷歷見低昂
難將一飽計輕擲千金方勗哉從汝好貧賤何足傷
朝食食無餘暮臥衾不完謀生一何拙岌岌空儒冠
蕭然環堵內六親少驩顏乃知家人事於已頗相關
念欲新其圖龜策亦屢端長安俠少兒懷挾多弓彈
惟憂闕鼎俎未解惜鷓鴣全軀已云幸遑復畏饑寒
山川與日月今古常如茲如何降秀民漸不及遑時
青齊大都會轂擊稱臨淄豈無一居州此事真可疑

我今墮農桑久與簪纓辭人倫耿宿好寤寐尙餘思
嘗愛河南語寧可百受欺誰能秉水鑑爲我陰求之
儻有歲暮得當贈崧高詩

吾聞古聖人神宇常冲和棲棲陳蔡間猶不廢弦歌
南薰在床琴較樂無少多誰言百尺樹生意獨春花
但有本根在霜雪其如何

床頭痔羣史閉戶作神游俛仰撫千古奚翅歷九州
笑齒忽孤啓感涕或雙流廢興雖萬變大抵貉一邱
不知後百世金火復幾周仙人王子喬可聞不可求
煌煌谷中芝本爲幽人採自從產齋房性味已稍改

金盤芍藥和珍錯窮四海糜身縱自許悅口寧汝待
小草不在山已矣難追悔

春夜獨坐次陶詩韻

漱漱江動沙晶晶月吐嶺吾廬雖樸陋政賴此清景
披襟坐前軒風露謝餘冷但恨無予美良夜誰與永
遙知碧雲外千里共雙影佳期本易乖盛年忽如騁
惟當各自寬毋使尊壘靜

月夜泛舟

信美還吾土衡門俯綠洲留賓答清夜隨月上虛舟
浦溆緣方遠園林望更幽湖居知己慣搖櫓用蒼頭

廣湖賦梅

芳信難孤歲一遭緣江蹋雪不辭勞幽窓自發驚人
艷空谷誰爭絕世高玉珮凌波游漢水羽衣乘月過
臨臯詩家比擬知多少除却神仙揔未豪

冬夜讀書有感

燒山種斗粟秋熟盈困倉踰年十損五三歲已全荒
驅車八達馘百軌肱不妨一轉人舛中跬步生呼張
物久力難全人窮樸易喪推遷勢則爾誰復尤穹蒼
腐儒在讀書鑿枘疎斟量居夷慕艷鎬生晚希虞唐
嚶嚶竟何益玄鬢成秋霜逝將拂衣去浮海窮扶桑

寒梅雪中破仲冬見微陽此事尚鷄肋未能遽相忘

寄景守 丙子

區區皮膜限親疎誰把西銘示廣居忠孝寧殊天下
性聰明不乏腹中書崇蘭揔化繁霜後喬木猶徵故
國餘一命存心應有濟勸君三復鹿鳴初

追挽京山李公 漢鎮

二十年前岳下村四時花月有觴樽襄陽耆舊方全
盛已覺龐公地位尊
通神岫嶠嶧山碑信口元和大曆詩何限朱門鍾鼎
貴姓名那遣後人知

臺山集
手弄參差愛月明幅巾風露坐三更童時尚覺非常
譜道是仙人鶴背聲

江國秋風異故鄉更驚哀訃落重陽無情大似籬邊
菊未向靈帷薦一觴

惠慶宮輓詞三首 代人

配德 銅闈峻增榮玉牒光千乘 兩朝養五福八
旬長海屋方餘祝雲鄉遽促裝蒼梧十載淚今日更
添滂

五百明王作於戲不可忘靈芝欽有本綿瓊頌無疆
啓聖登元極儲休發少陽千秋闕宮祀金石薦洋洋

洛邑樓臺古喬山樹木蒼猶疑鑿輅啓無復玉卮將
送紉宮闈廓迎輜父老傷惟應月遊地餘慕託冠裳

次韻贈雲广主人金太和 班

數間庵似玉川貧萬首詩傳劔老神風雅玲瓏千古
眼烟霞灑脫百年身慵支白石雲中枕閒擲清溪月
下綸埋沒南金誰見惜北方今少舊情親

赴黃戚 鍾萬 母金孺人回甲壽宴席上呼韻

雖云異姓亦同堂拜向尊闈慶壽康孝子黃香能竭
力仙人金母有餘觴徽潛閩閣寧煩頌和溢門庭便
是祥每歲相招須一棹此筵應配此江長

暮出舍西溪上觀魚梁

江水西頭溪水長晚晴沙路屬魚梁牛羊日落村墟
迴鳥雀天寒野藪荒漸禿那禁風墮憤薄醺休管露
沾裳秋來未淺菰蘆興自點松燈照蟹黃

丙子十二月十四日先文正公自石室奔扈南
漢之年若月日也祇拜書院謹賦一律志感

東郊已可歎南漢更堪言上馬悲先壠逢人問 至
尊江湖驚歲月俎豆仰晨昏歷歷津頭路坡陀走北

門文正公以言不用退
居石室間難奔赴

霖雨臥病雜題 丁丑

柴荆元自謝蹄輪泥雨休關更十旬賴有隨身書萬
卷眼中何限傑魁人

雨裏薪樵桂不如深房蒸浥欲生魚鬚奴去打前村
麥爆竹聲聞午睡餘

軒檻常愁夕日烘數株桑樹愛童童蠶時不管鄰人
採還我清陰五月中

寥落金丹壽域春書生閑說滿腔仁今朝麥飯高於
鉢推賜關東失業民適有春川流
民過門乞飯

澆灌纔醒蔭荀神扶持更直石榴身墻陰老柳無情
緒愁殺張郎去後春蔭荀石 榴皆果川從兄所
蓄從兄卒後移置余堂前

三尺銀鱗帶伏雌西隣細字問長飢先生食料誰經理恰到青菰捲蔓時

小女嬌癡不可當挽鬚坐膝以為常從誰學得陸郎事自摘朱櫻苦勸嘗

水謝微瀾鏡絕埃卓然中立是靈臺十年從事治心法消息今朝一線來

鍾鼎灰塵竹素香此言纔可砭昏狂蟲鳴鳥語皆天職那有閒心計短長

冬夜襍被春草亭送平仲還鄉

戊寅

冰雪高如許江樓坐曙天臨歧非少日秉燭更殘年

麟角誰知貴鷄頭未學圓平生心一片夷險且隨緣

奉和松戶丈秋日游吳亭感舊有作寄示韻

度世何煩學左徒隱巖真是小蓬壺池臺撫躅皆金

狄村巷詢名半鐵鑪九日風流籬菊晚百年心事澗

松孤鱗鴻一字無南北莫向江干歎別區

戊寅除夜敬次三淵集已卯元日會宿石室書

院韻錄上歸淵轉示從弟士景

運淳

請各賦一

篇以備它日故事

覺堂元會有高吟盛事江鄉說至今絳帳曾垂空撫跡朱絃雖在孰傳心丘園寂寞吾生晚星紀回環此

夜深試就晨燈賡舊韻百年能復卷中尋

景守來過臨去索紙寫一詩走筆步韻 已卯

但使常逢笑口開黃金不願滿牀堆可無濁酒淹歸
去况有新詩慰別來寸廩風塵梅福市一竿烟月子
陵臺形骸未用爭衰盛倦翮如今摠已回

讀野史有感

青紫明時享亦多上天無力化龍蛇未嘗負汝何爲
叛雖曰非余既作歌論議當年歸市井簡編從古出
巖阿端門石字須深刻芳躅千秋看不磨

奉次松戶丈登玉流後麓看花韻

掛服仍神武鳴琴反小山林泉元是癖花鳥未應閒

喚酒紅雲裏題詩翠靄間社中傳勝事童穉讓躋攀

李丈家在神武門北大隱巖故
用陶弘景事及王康琚詩語

酒榼琴囊左右橫先生到老尚風情青鞵未減飛雲

捷彩筆難禁擲地聲百世心期陶靖節一鄉齒德鄭

康成林居莫恨黃唐遠萬樹烟花看太平

初夏讀韋蘇州詩戲摘十六句簡寄景守

燕居日已永夏雨生衆綠光風動林早羣山藹遐矚
芳樽誰與斟思君瑩如玉山水憶同游舊居共南北
中路忽言還冠帶便拘束一水非難越迢迢萬里隔

城闕應多事誰能顧寂寞同聲自相應惟希心異迹
家釀杜康酒成飲一盞徑醉戲作長句

春風過眼如浮烟庭樹擘擘聞早蟬光陰何事苦相
促欲寫綠章叫青天不知天亦無可奈大耋行及萬
八千蟠桃向枯桂生蠹兩葉尙記開皇年三足之烏
雪色兔養成祇合充菟田誰知長大不可制挾持日
月恣騰騫藥珠深處未敢問白髮滾滾愁羣仙風燈
泡沫一般爾不要相怨要相憐室中朝來聞好語小
缸酒作鵝兒鮮悠然獨酌北牕下榴花照地紅欲燃
人間有此萬金藥咄嗟槁面回春妍安得健步崐崙

使一觴爲致瑤皇前

李孟陽

頌和惠投一律屬意甚勤次韻以謝

若士胡爲在澗濱盛年詞翰屬昌辰琴依桂樹追淮
隱佩綴蘭芳學楚臣石室諸生多近古 英陵孫子
自殊人知君雅性耽魚鳥濠濮從今日見親

臘月二十八日夜大雨以風千里堅冰一時撞
碎蔽江而下三日乃止

玄冥摧破不能軍棄甲投盔滿路紛火急行春爭一
日二更風雨榮奇勲

是月小盡

龍門疏鑿勢何雄生晚無緣睹禹功爭似銀山千萬

疊霎時漂卷浪花中

一闕疑冰便活流轉移翻勃不曾留吾家妙用君知
否剖判陰陽只念頭

雨中拈劍南韻 庚辰

空濛雲雨遞稠稀潏潏湖光綠映扉岸柳誰鞭衰病
起園花欲喚故人歸閒來物象全輪巧老去文心或
造微擬向沙頭成一醉隔林時見酒船飛

出溪上得一絕

觸眼紅芳逕欲迷杖藜閒步到溪西夜來一雨誰斟
酌纔足開花不作泥

夢作一絕上十四字覺後畧有添補

雨後風條靜不鳴水村朝日澹柴荆幽鶯似愛南山
色坐送林中一兩聲

次松戶丈東臺看花

胡床八九整隅隈春物熙熙日滿臺南斗真君添注
籍東皇太一勸銜杯孤山有客皆非俗金谷無詩定
不迴可賀茲丘重賁飾荒塗曾被翠翁開 大隱巖挹
華軒所命

名有詩
見本集

踏青日大風閉戶不出戲吟一絕

可恨封姨竊弄機苦將閒氣妬芳菲亦知花力無多

許未到開濃不肯飛

書贈竹溪

平仲
自號

文章未必與窮期一肚憐君不合宜趙壹平生緣骭
麟屈原當日羨嘯兒塵埋古劍知誰惜帚享千金各
自私七尺堂堂終可愛莫愁斑鬢已如絲

天教騷客管年華雜樹青葱種滿家夜雨初肥山杏
子朝暾正曝石榴花林間醉興聞黃鳥雲杪吟眸送
晚鴉自笑新詩無傑思有時金寶見排砂

蜉蝣采采競鮮衣洞裏仙棋未罷圍達士何曾滯夷
險壯夫終不戀輕肥沙鷗日暖宜高睡湖鴈天長恣

遠飛千里同心如皎月太清休着片雲微

松戶丈人寄詩輒徵批評間嘗一再應命而著
手朱黃終有所不安今則闕之代以詩語

我如香山嫗所見實凡近諸公舊師友有懷寧不盡
先生陶猗富沃野彌隰畛開門用布帛粗細畧無隱
粲粲二三子羅列角與軫么絃錯宮羽奇穎駢芝菌
風流篤濡染氣類捷勾引遂令白岳南搜抉無遺蘊
歌缶玩離昃得朋利坤牝江春百花晚清弄破孤悶
狂言忽不遜定被夫子晒翻慚墮樵牧藻思日就泯
癡絕強自寬萬象本無朕

夢遇一士類學道者謂余曰文章非儒者本務
公何不能頓遣余應曰詩不云乎出言有章言
而無章正坐本不立也士有愧色覺而記之
捧喝懸空敢自欺斯文廢疾竟誰醫謝公惻隱橫渠
勇夢裏逢君儘一奇

文道深知不可離夢中衝口亦無疑醒來更覺君言
好纔一偏時便兩歧

九月既望會景道洪元教箕變于春草亭信宿
譚敘

枕藉深更月墮樓起來寒雨滿江秋天公似遣成高

會野老安知不勝流三逕如今還嶽麓一廛何日共
滄洲琴書未乏幽居樂歲晚懷人自白頭
物外清閒敢自居野農深愧與人疎高秋北地來賓
鴈明月前江有膾魚興到杯觴渾過量詩成諧謔揔
堪書交游得意無新故看取心根一例虛

疊樓字呈春榭轉示尹洪二公

風雨蕭蕭江上樓憑軒萬里見清秋天寒倦鶴迷平
楚水落驚鳧散急流杜老情懷楓樹峽靈均詞賦芰
荷洲關心獨有瑤臺遠欲說浮名已掉頭

疊居字寄上松戶几下

秋來物色想巖居籬落西風萬木疎城郭年深看一
鶴江湖地僻斷雙魚銜杯爛用青蓮勾閉戶草思紫
氣書認得天翁差遣意肯將軒冕較盈虛

用丙寅舊韻謝寄穉性辛巳

青鬢相看箇箇霜舊游提說摠微茫別來何物能無
變除是平生一片腸

漫吟示李生成仲淵兢

老屋蕭然寄水湄心期凋落髮毛衰新春風味君休
問淨盡桃花無一詩

初夏散步至東崗記所見

桑柳陰陰一逕斜四隣清晝靜無譁偶逢雙蝶爲先
導來看山前躑躅花

赴外舅葬道中疊霜字舊韻示穉性幼成二友
東床綠髮半成霜三十三年事杳茫惆悵蠶頭山下
路衣冠不見見黃腸

過吳士默蘆原莊舍感舊有作

溪橋立馬淚霑衣寂寞空樓鎖翠微篋裏詩篇驚絕
響夢中眉髮想餘輝情緣未遣柔三宿門巷猶徵杏
十圍悔向仙源重覓路漁郎依舊主人非戊辰秋來
宿此莊賦

詩相贈其後更不得相見詩章酬和亦止
於此數日前夢見歡若平生故頸聯云

雨夜悶坐忽覺窓屏有光仰視弦月出重雲間
晁亮良久喜吟一絕

兼旬風雨暗江鄉山岳奔逃列宿藏多謝娟娟雲表
月百忙偷隙送清光

喜晴

羣生傾覩太陽輝天末屯雲片片飛恰似端門朝賀
後羽林千隊解嚴歸

健陵遷奉日望哭志感

無賴玄扃閉復開洛南行殿聚黃埃橋山樹老龍飛
遠華表天寒鶴語哀出地雷霆終寂寞懸空雲漢漫

昭回灤朝一御知何見喬木于今已半摧

追輓吳士默三首

春明門下鬧蹄輪臭味如公復幾人少日交游真得
意中年離別苦傷神搏鵬薄試雲霄翰病鶴全歸玉

雪身極目青山千萬疊東風吹淚滿通津畿邑名士
默葬于此

西掖青綾夜向晨片言摻手見情親扶桑共戴方升
日喬木相看未了春萬事中宵孤倚枕百年何地再

傾困平時老死悲奚有少宰金貂亦不貧

金匱蕭條燄火燔九重真掃舊巢痕東坡在黃州詩
曰九重新掃舊

巢痕蓋東坡嘗直史館遷謫以來削去史職而元豐
官制行史館亦廢故云余與士默為史館同僚而年

臺山集
前藝文館火棟宇靡遺列朝實錄及吾輩所修日曆舉入煨燼故起句借用坡語形骸白髮空相憶冠冕青春可復論奇疾堪憐同左史達觀那得似東門士黜晚年失句天定比人間樂莫把浮生惱斷魂

會丁承旨若簫于鼎山臨別書贈

離索江沲不計春遼天一鶴許相親荆園隱約燈前面桑海參差劫後身霄漢當年瞻步武雲雷何日吐經綸論交未必先同調莫惜扁舟下瀨頻

茶山丁承旨寄詩二篇次韻以謝

平生去留際揮手不復顧今辰獨遲回所思在良遇

冲齡志四方不謂便衰暮交游久已息英俊終可慕
江湖少行人鳧鴈集晚渡但須一葦縱豈煩三月聚
高談有餘繹魂夢勞再鶩願破十年燈朱黃讎錯誤

魂夢再鶩紀實也

江梅與陵柏落落不相依嚴風號大壑萬象閉陰霏
華葉此時新婉孌同所歸淤泥任千丈皜然芟荷衣
煌煌孔周書啓發多憤悱風埃髮鬢化回首皆昨非
但覺客念淨稍自耐嘲誚古道少爲貴携手期無違

次竹溪韻

餽餽餅餌競羅前燈燭江村又一年且喜團欒酬節

日莫愁羈旅度寒天老思親戚長無遠窮覺男兒絕
可憐風月襟懷冰雪操吾宗直下有單傳

深谷書院

甲申

身後名何有當年事可悲平生懷古淚一灑靜庵祠

望 健陵

百感花山道羸驂雨雪寒陪從經上雍跼伏限朝灤
真殿明朱戟 僊陵擁碧巒 威顏瞻恍惚衰涕迸
汎瀾全盛曾朝籍飛騰正弱冠儲材非國棟競秀豈
庭蘭密意均加膝溫言獨鏤肝龍髯悲遽墮鵬翼失
方搏世事看碁局生涯託釣竿青銅窺自覩朱瑟倡

誰嘆龜卜綿無極鴻文儼不刊寸心如宿火灰後尙
餘丹

自規

平生百味飫酸辛方寸何曾着恚嗔一事思量終未
熟憊精酬接妄庸人

追悼宗老石溪居士

綱行

吾宗一脉孕球琳壯藻爭傳七歲吟名字聞如黃卷
古襟期看向白頭深笑空當世還公眼罵倒諸儒實
苦心寂寂青山埋駿骨不知何物享千金

軒冕違心例自悲問渠騰躍欲何爲邾滕瑣細同風

氣燕越區分各路歧龍性能馴真不測鷄羣特立未
全卑臧文竊位吾知免潦倒漁蓑限玉墀

追悼魚君弼

錫中

芳歲論交老不移率然真樸見心期稠中舍肉千鍾
薄忙裏懷鉛一字奇濁酒川傾捐局束幅巾山聳儼
標持雲林杳闊仍修夜顏色時時入夢思
章逢例被市童嗤末路澆風竟莫醫揭短都緣由也
勇測深誰許泰之師綿繆匍匐儒仍俠綵舞怡愉老
是兒鉅筆滔滔那可少兩京文字足麤枝

用蘗溪舊韻寄南子素

升來○并小序

蘗溪我高祖考文康公舊庄也近爲辛李二
氏更迭假占至於失火燔屋斬木起塋無復
本來面目竊念先祖平生棲遑巖穴殆無一
日黔暖之頃而獨於是庄享用最久前後居
止十稔有奇田園經畫巖壑品題載在家集
不一其書且其授受次第遠有源委風流篤
厚有足稱述觀於所寄芳谷二律可知已此
在吾家所當世守勿替有非平泉一石之比
其不可委之他人任其作踐也審矣遂以錢
九千歸于李氏徵還近年白契方擬第滌荒

穢營立茅棟爲他日鹿門計而時詘未暇也

茲用舊韻吟寄子素老兄以尋前盟以下後

期

何論車馬與輕裘一曲巖泉信誓留尙德唐虞傳軌

躅卜隣伊洛見風流先人義取成斯美小子欽承仰

厥謀香火從今思所嗜蘄山芝蕨上籩羞余以支孫長房方奉

高祖考祀故落句云

杖屨遺蹤久翳如幾年鳩鵲假巢居名區合有神靈

護故事堪登太史書買宅須知譏郭氏肯堂那忍捨

匡廬伊川先生嘗言郭達新貴時衆論喧然未知其

也朱子白鹿洞賦曰旋錫冕以華其歸琛亦肯堂而貽孫註祥符初直史館孫冕以疾辭于胡願得廬山白鹿洞以歸老詔從之未及歸而卒皇祐五年其子比部郎中琛卽學之故址爲屋榜曰書堂俾子弟居學焉上段借喻近事下段竊附後圖松湖老友時相見風味依依二祖餘

乙酉仲夏閱篋中故紙得沈太和春永五言律

一首蓋壬戌夏秋間太和乘月過訪滯鍾留宿

拈家集韻覓紙灑翰余適病憊不能屬和者也

詘指中間歲月忽忽二紀有餘而聚散盛衰如

爭累劫注目把玩忻慨靡定遂依韻題其下替

簡寄呈太和覽之計亦恍然如夢也乙酉

臺山集
楓溪子沈子安否近何如顏色已成老心期無改初
眼明詩出篋神動月橫除翰墨青春迹于今半蠹魚

陽川縣齋書懷

江湖已辦壯年休老向巴陵作宦遊回互真慙高古
縣飄零畧似陸夔州民飢汗滴盤中食親遠心搖水
上舟半世漁樵能健在一宵難禁鬢霜稠

省覲東還挈舟仙游峰下觀朱蘭嶠石刻砥柱
二字溯流泊楊花鎮是日適七月既望乃挹翠
軒游蠶頭日也舟中吟一律紀之

仙游峰下溯回遲蠶嶺迢迢逐望移鸞鳳猶停朱使

筆魚龍應識翠軒詩扁舟不意落吾手明月何曾虧
往時勝地從來難作主陽川休道小如碁

是月二十八日乘舟赴縣過松坡拉聖立同行

趙友聖約學儉期會于龍山

輕舟不換五花驄况有翩然數子同赤壁江山前七
月黃圖郡縣右扶風浮嵐樹吐龍洲綠落景烟含鷺
渚紅記取茲行休草草他年相勘臥遊中

以鷄餉遠亭李翁

籠鷄寄餉城西宅要借長鳴替說情爲是鰥翁難及
曙四更牕外報天明

縣齋邀太和晤語

華髮依依秉燭看百年相覺一宵難行人出塞黃河
遠柱史昇天紫氣寒末路交游稀適意當時隣曲足
清歡江城曉角娟娟月弦後猶憐半面團

哀金烈婦 并小序

士人金學鍾從其族叔道州謫所病沒以櫬
返其婦具氏事姑孝奉祭誠哭泣以時不見
戚容既祥翼日仰藥而逝聞者義之金德瑞
驥鐘為余道其事曰學鍾吾再從弟所從族
叔吾先人也吾既悲烈婦之死湮而無傳重

可悲也願得一語發揮余不忍辭以二絕塞
請

三霜纔畢萬緣輕寂寞寒閨鎖月明安得文如歸太
僕岷山雙烈與齊名

臨危方許捨身輕此理須要講討明自是賢知根淑
質一心純義不參名

次斗南新居韻送姜舜如 大重 歸安東 丙戌

楊花渡口悵分違又送征驂向礪屏垂老每懷桑梓
地臨歧翻愧薜蘿衣山中有月堪長抱天末看雲未
定飛一部朱箋千古業宮墻晨夕共瞻依

次杏湖族兄鼎淳周甲壽席韻

可但情親本一身北山華樹喜重新扁舟繫柳常侵
月小閣探梅不染塵共賀杯樽逢舊甲獨憐弧矢負
昌辰階蘭嫩葉芳堪愛看取當年未洩春

陽川官齋次鶴山尹景道號

官清也勝范萊蕪斗酒留人興不孤試問黃筌能寫
否兩鳧相倚睡春湖

與鶴山登縣北古城

風袂翩翩倚古城白沙青草暎新晴波間對浴雙鷗
淨天際長鳴一鶴橫灑翰應生松桂氣援琴欲動海

山聲休文病枕能相憶采采汀蘭空復情太和有約未諧故云

諸公將還步出江上送別命韻得三絕

漱漱潮來失遠洲孤峰一片記仙游峰名沙頭綠碧空
千樹不管維舟管蔽舟

微風笑語隱滄洲脉脉烟波阻勝游堪恨西湖竹光

酒醉中容易送行舟宋項平菴安世與人書末云偶送客至湖上飲竹光酒半醉書

不成字人得書笑曰平父乃爾閑暇會騎白鹿上瀛洲海盡天窮始罷游却笑江湖論聚

散一泓杯水芥為舟

畢賑東歸陟蠶頭少憇

臺山集
歸心爭駛下灘舟四月巴陵麥已秋未要西行留一
債夕陽飛策上蠶頭

人生何地不雲萍春夢西湖又一醒隱約青峰烟霧
裏他年誰記峴山亭

太和與鶴山會元教宅有詩錄寄諸作皆有見
屬語不容無謝續題以還

悠悠月夕與花朝牢落琴尊北里遙萬事回環須自
遣百年猶半儻相饒幽居異日期張邴詞壘同時愧
柳潮最是東臺今寂寞仙游難仗些辭招

七月二十三日夜獨坐至三鼓待月苦不出偶

誦山谷與晁無咎廖明畧贈答長篇悄然有感
遂步其韻成二首所謂以文滑稽也觀者恕之
百蟲唧唧誰關口熠燿亂飛叅星斗姮娥鏡破苦相
慳六龍西去何時還有美娟娟宛在左凝思渺然霄
漢間妙年學窺姚姒上老成曾被重瞳賞縱未句回
玉燭平亦復擁書當百城紛紛桃李片時艷桂樹南
國嘉冬榮結髮論交垂五紀惟子知我我知子行藏
早已識冷暖飢飽未甚關憂喜賦詩不必東野聯抱
琴奚待鍾期彈願言百年不相棄天地四方同追攀
漂漂江海沆可息歲晚携手知何山

幽人未能頓緘口戲簸南箕挹北斗強分形影作問
難木桃瓊瑤誰往還知君用意亦太苦少壯追逐賢
豪間崩雲洩雨反覆掌笑言啞啞匪心賞不如閉戶
觀我生縞衣雖陋勝傾城作書已謝山吏部飲酒不
與劉公榮但恐一味水濟水厚意無以疇吾子百鍊
棠谿也不惡十襲梧臺休自喜願君努力耐險艱不
辭磨切與譏彈離羣絕物聖所戒愚者可扶賢可攀
及時未央倘一遇焉能塊處守空山

晚春尋山北古寺偶成二絕

丁亥

天壇三月百花紅風雨離披一夜中誰識巢居老道

士閉門看破已成空

寶馬香車事已非空留塵土浣人衣白鷗未是偏饒
潔曾向清江照影飛

閏夏過杏湖次壁上韻書奉主人兄

高軒對坐兩閒身一片湖山遠俗塵節晚江魚猶蓄
旨年豐畦麥已嘗新衡茅久許分餘地城市何堪着
散人擬種南園千樹栗秋風相過整烏巾

敬次先文正公寄題香雪軒韻

清芬百代弟兄宜詩掛軒楣樹擁墀要識生香相續
處滿庭飛雪暮春時

香雪軒雜書四首

鐵嶺國北門遷客多由之鰲老宿雪歌葩叟明月詩
如何鐵石腸亦作風騷悲靡靡陟峻頂天險真吁噫
高懸逼斗極深坼迷坤維臨當下阪時鳴馬爲躡趺
銅章暎素鬢俛仰久沉思行矣且叱馭意氣猶未衰
仙翁此分符蓋亦值時屯手澤百株梨心匠五架軒
于今二百年儼爲一方尊蔽芾戒勿剪翠密名仍存
俎豆卽其傍歲時衿紳奔心香肅一薦感歎涕欲翻
升沉屬暫遇榮辱須定論嗟哉市朝眼倘復窺此門

翠峯宋趙丞相汝愚
荏郡時所建亭名

曾聞古朔庭地大民物縉健訟又其性庭牒動盈東
况茲下車初滯務應費燭誰知乃爾閒永日拋朱墨
頗似憐老子未要相迫促微風簞紋細睡思藹縈日
翩翩白蝴蝶矯翅戲庭綠居然走一遭茅舍清江曲
五月鹿方茸七月蓼可採刀圭紀珍品囊篋利輕賄
漢貨禁闌出秦城多巧給疲甿絕輕死風露甘凍餒
蠶繭與蜂蜜無告吁何罪發教弛其令斯速不須待
然明彼何人羊粟看若浼小惠不足述民隱亦堪載
樂民樓謹次高祖考韻
嵬鼉曝背象交蹄方廣天台勢欲齊信有奇功通水

陸可無遐矚管高低樓臺鑿翠星辰近城郭開荒歲月迷但恨名區當綰轂任教凡躅躡飛梯

題龍江祠

馬革壯夫願魚腹騷人傷戰鬪與諫諍盖亦事之常嗟哉朴承樞奇寃誰可方在昔締構初微辭史不詳長庚耀秦分大風悲沛鄉宸情鬱笳鼓使盖遙相望十往不一返辛苦江山長永思至艱會忠智亦徇徂險阻固不讓撓拂亦非臧惟公秉至誠挺身造御床悲鳴馬躑躅零淚應聲滂婉辭李長源深忠桂彥良聖哲篤天敘淑氣回嚴霜先驅發崆峒剋日

朝未央誰知一水間哧笑彈指忙可恨鄭南徒餘孽猶倉囊賣國既老手妬賢更別腸古今授受際此輩如堵墻草昧尙自可時平絕須防堂堂太阿柄誰敢測弛張鷗夷報夕汎龍駕催晨裝春風慶會樓歌舞騰玉觴二聖憐有思揮涕領班行生行異魏桓死諫同柳莊論功掩帶礪留恨窮滄桑飛薨翼路左碧波瞰湯湯邦人寄深恫霜露陳椒漿驅馳窘陰雨未暇薦心香巡簷讀遺蹟撫事增浪浪首陽記饒珉豐山歌侑樑二公我所善一字豈低仰作詩繼其聲風濤和鞞鏜

八月十二日陪慈駕之邑道中有吟

大耄東征賦專城北斗杯新秋疎藥物過雨淨氛埃
傾奪朱門急徵求白屋哀人生五馬貴未敢憚崔嵬

奉驢外兄李叅判愚在赴燕

六十斑衣古罕聞出門曾不曠朝曛遼河萬里經年
去孝子如今始許君

萬事如雲摠習忘區區離別不須傷白頭最是情鍾
處中表年來少鴈行

明月相思幾改輪關懷更在隔年春梨花萬點空如
雪安得風飄到錦茵

差東堂叅試發向高原道中口占戊子

拘官無計任行休病起春衣始換裘簿領抽身差適
意郊原極目更添愁高花裊雨山容靚細麥搖風土
氣柔滿眼芳菲他自得天涯心折歲華流

高原館

塵沙撲撲滿征衣投館高原已夕暉客路逢人青眼
少殘年作吏素心違慵拋簡筴慚儒席老謝芬華罷
妓圍一炷紗燈春睡美故山松桂夢依依

雨中出高西倉

滿野青青麥春霏抵蜜語看山從轡緩問俗聽衣霑

關塞愁全減丘樊興欲添
澗花誰賞汝千朶備穠纖
鶴浦道中望海

寰區何物不秋毫超灑無煩鶴背高
莫怪仙人多海上只緣生長在雲濤
扶桑東望幾由旬終古無人去問津
不忿羲娥偏疾足往來容易遞昏晨
彼此相方理可齊滄溟終亦有端倪
可憐隔水蒼蒼眼不信山河更在西

麴島

島以積石如麴而名俗稱國島音近而訛也

壘石崔崔麴化身碧波猶愛酒光新
何由喚起青蓮

于深淺商量漢水春

又吟一律

萬頃洪波着一拳屏風曲曲錦文鮮
蓬瀛未遠形神肖楓嶽將開氣脉先
磔磔幽禽鳴櫓外翛翛叢竹拄
筇前冥搜幸賴浴涸久半日祥飈不用錢

是日春盡

官閣梨花落已稀閉門那忍遣春歸
長風掛席滄溟闊要趁東皇一把衣

秋日登飄然亭次板上韻

禾黍微颺扇晚晴籃輿出郭看西成
長橋捍水添新

勝高閣憑虛愜舊名嶺外光陰秋鴈度日邊愁思暮
雲生公餘一笑知天賜租賦今年免訴橫

書室諸少年賦紙鳶戲次其韻

庚寅

萬里程從一縷生卷舒隨手作人情多時跋扈風相
戰驀地飄颻雪共明伴鳥如將朝漢署繫書端合射
燕城鷄坊鐵距同豪習猛見雲間十字橫

除夜

四隣牛酒樂清時誰向孤燈問所思退士重修荷芟
服鮮民長廢蓼莪詩潛魚欲動水涵藻棲鵲頻驚雪
墮枝正說陽春何日到到來愁遣鬢毛知

老筆猶堪紀盛時禁城佳麗夢中思千門摠換鍾虺
畫三殿催徵內翰詩拜歲衣裳聯繡幕朝天燈炬簇
花枝滄江白髮何須歎青瑣年來少舊知

千載青丘際一時輝光八表仰文思至今如見朱絃
瑟終古難緩綠竹詩桃熟空聞瑤海種桂凋誰記玉
山枝平臺暖閣成春夢中夜悲歌屋漏知

一閉銅闥再閱時緒風江介積憂思灰心久斷鑿坡
夢珠唾空傳鶴禁詩漢殿猗蘭瞻奕葉周家繇陟祝
洪枝東郊十里千雲哭星海深仁八域知

燕雀啁噍亦斲時可堪霜露百年思新悲未斷臯魚

哭舊學全荒孔鯉詩水冷芙蓉無艷質山深松栢有
長枝瓶壘半世千般恨除却蒼天摠不知

丹旄天寒過嶺時爺孃不喚得無思春風綽約如聞
笑秋月玲瓏忍說詩繞膝衣襦曾折繡齊眉桃李自
高枝衰腸未逐巴猿斷誰道人靈最有知

臺山集卷二

